



Istinomjer Zastone <istinomjer@zastone.ba>

Upit - Inicijativa o Prijedlogu zakona o dopunama Zakona o pravima, obavezama i odgovornostima pacijenata FBiH

3 messages

Istinomjer Zastone <istinomjer@zastone.ba>

Wed, Jan 21, 2026 at 3:07 PM

To: udruzenje.babysteps@gmail.com

Poštovani/a,

obraćamo Vam se s portala "Istinomjer" u vezi sa inicijativom Vašeg udruženja za uvrštavanje Prijedloga zakona o dopunama Zakona o pravima, obavezama i odgovornostima pacijenata FBiH na dnevni red 28. redovne sjednice Predstavničkog doma Parlamenta FBiH.

Usljed greške u brojanju glasova, što je uticalo na evidentiranje inicijative, molimo Vas da nam dostavite Vaš komentar ili stav u vezi sa ovom situacijom. Također, molimo Vas za kratko pojašnjenje kada i zašto Vaša inicijativa nije prvi put uvrštena na dnevni red sjednice ovog doma.

Unaprijed se zahvaljujemo.

S poštovanjem,

Ivana Vučetić

Istraživačica/Novinarka

+387 63 833 153

ivana.vucetic@zastone.ba**ISTINOMJER**

Telefon: +387 33 618 461

Adresa: Gabriele Moreno Locatelli 21,
71 000 Sarajevo, Bosna i Hercegovina

Udruženje BabySteps <udruzenje.babysteps@gmail.com>

Fri, Jan 23, 2026 at 12:10 AM

To: Istinomjer Zastone <istinomjer@zastone.ba>

Poštovana,

Zahvaljujemo Vam se na interesovanju za našu inicijativu i praćenju zakonodavnog procesa u vezi s Prijedlogom zakona o dopunama Zakona o pravima, obavezama i odgovornostima pacijenata u Federaciji BiH.

U vezi s greškom u brojanju glasova na 28. redovnoj sjednici Predstavničkog doma Parlamenta FBiH, mi smo kao udruženje naknadno (naveče) uočili proceduralni propust te odmah uputili zvanični dopis predsjedavajućem Predstavničkog doma i tajniku Predstavničkog doma, očekujući da će se greška hitno ispraviti. Smatramo da je jedno kada se tehnička greška dogodi, ali je ozbiljniji problem kada se takva greška u startu odbije korigovati, bez javnog pojašnjenja i izvinjenja porodiljama i javnosti, čija se prava ovim zakonom nastoje unaprijediti. Tek nakon burne rasprave u Predstavničkom domu, usvajanjem zaključka Kluba DF, inicijativa je ipak uvrštena na dnevni red. Nakon toga je prijedlog za razmatranje po skraćenom postupku odbijen jer nije dio dovoljnu podršku (46 ZA), te je tekst zakona

razmatran kao nacrt.

Naša inicijativa prethodno nije bila uvrštena na dnevni red na novembarsku sjednici kada su predlagači podnijeli zahtjev za uvrštavanje na dnevni red jer nije bilo dovoljno podrške, nedostajala su dva glasa za uvrštavanje. Razlozi za izostanak političke podrške i nedostavljanje mišljenja nadležnog ministarstva (koje do danas nije dostavljeno iako je prijedlog zakona dostavljen na mišljenje još u septembru) nisu nikada transparentno saopćeni ni nama, ni porodiljama, ni široj javnosti.

Također, tokom nedavne rasprave u Parlamentu, primijetili smo da je fokus diskusije bio značajno više na potrebama zdravstvenih radnika i institucionalnim kapacitetima, dok su prava porodilja i pacijentica bila marginalizirana. Umjesto jasnog pozivanja na činjenicu da struka i međunarodne zdravstvene preporuke već prepoznaju pratnju na porodu kao standard dobre prakse, čuli smo stavove da se struka tek treba dodatno pitati i uključivati "u skladu s mogućnostima", iako su upravo te mogućnosti već definisane kroz međunarodne smjernice i postojeće kapacitete sistema.

Smatramo da ovakav pristup ukazuje na nedovoljan fokus na pacijentice kao nositeljice prava, te da je nužno sistemski jačati kulturu poštivanja prava pacijenata. Zakon o pravima pacijenata mora polaziti od potreba pacijenata, a ne od komfora zdravstvenih radnika koji su obavezni postupati u skladu s tim normama, posebno kada predloženi okvir već odražava međunarodne i stručne preporuke.

Ostajemo na raspolaganju za dodatna pojašnjenja.

S poštovanjem,

Amila Tatarević, MSc
Predsjednica Udruženja "BABY STEPS"
Grbavička 5C
71000 Sarajevo
061 502 076

[Quoted text hidden]

Istinomjer Zastone <istinomjer@zastone.ba>

Fri, Jan 23, 2026 at 3:02 PM

To: Udruženje BabySteps <udruzenje.babysteps@gmail.com>

Poštovana Amila,

zahvaljujemo Vam se na odgovoru i dostavljenim informacijama.

[Quoted text hidden]

[Quoted text hidden]